

Në bazë të nenit 35, alinea 6 të Statutit të FBK, Bordin i Shoqatës së Gjiqtarëve të Federatës së Basketbollit të Kosovës në mbledhjen e mbajtur me datën _____, bie këtë:

R R E G U L L O R E

MBI PUNËN E SHOQATËS SË GJIQTARËVE TË FEDERATËS SË BASKETBOLLIT TË KOSOVËS

I. DISPOZITAT E PËRGJITHËSHME

Neni 1.

Me këtë Rregullore rregullohet emërtimi, shtrirja e veprimtarisë të Shoqatës së Gjiqtarëve të Federatës së Basketbollit të Kosovës (në tekstin e mëtejme: SHGJFBK), mënyra e punës, të drejtat, obligimet dhe përgjegjësit disiplinore të gjiqtarëve, përbërja dhe kompetencat, mënyra e vendosjes, kohëzgjatja e mandatit, përgjegjësia e Komisioneve dhe Këshillave, shfrytëzimi dhe disponimi i mjeteve.

Neni 2.

Kuvendi i Shoqatës përbëhet nga: Nga gjiqtarët dhe vëzhguesit e listës A dhe pesë(5) gjiqtarë të listës B (me performancën më të mirë, konkurues për listën A).

Kryetarin dhe Bordin e Shoqatës e zgjedh Kuvendi i Shoqatës së Gjiqtarëve të Basketbollit në bazë të programit të prezantuar nga radha e kandidatëve të cilët kanë parashtruar kandidaturën, e në bazë të kriterëve të hartuara nga rregulloret e Shoqatës.

Kuvendi thirret nga kryetari ose 2/3 e përbërjes së kuvendarëve me nënshkrimet e tyre. Kuvendi mund të jetë i rregullt dhe i jashtëzakonshëm.

Neni 3.

Shoqatën e përfaqëson kryetari.

Në mungesë të tij Kryetari e cakton personin nga përbërja e Bordit, që do ta zëvendësoj.

Kryetari përveç që e përfaqëson Shoqatën, kujdeset dhe përgjigjet për punën e Bordit, zbaton vendimet e Bordit, Vendimet dhe konkluzionet e Bordit të Shoqatës si dhe aktet e tjera në përputhje me dispozitat e Statutit të FBK-së.

Neni 4.

Mandati i Kryetarit zgjatë katër vite me mundësi rizgjedhjeje .

Kuvendi mund të shkarkojë Kryetarin edhe para skadimit të mandatit në qoftë se vërtetohet se detyrat e besuara nuk i ka kryer me përgjegjësi ose i ka kryer në kundërshtim me aktet normative dhe rregulloren e Shoqates.

II. QËLLIMET DHE VEPRIMTARIA

Neni 5.

Bordi i Shoqatës është emëruar me qëllim të përparimit, zhvillimit dhe avancimit të gjyqtarëve, të zgjedhjes së çështjeve organizative të SHGJFBK-së, bashkëpunimit të gjyqtarëve si dhe realizimit të qëllimeve për të cilat është zgjedhur nga Kuvendi.

Anëtari i Bordit të SHGJFBK i cili pa arsye mungon në tre(3) mbledhje të thirrura nga kryetari, nga i njëjti kërkohet dorëheqja dhe të njëjtit i mirret e drejta e pjesëmarrjes dhe vendim marrjes. Zvendësimi i tijë do të bëhet në kuvendin e radhës.

Neni 6.

Veprimtaria e Bordit të Shoqatës.

1. Përcakton politikën e veprimtarisë së vet, harton dhe propozon planet dhe programet e punës me qëllim të zhvillimit dhe avancimit të gjyqtarëve, kontrollimit të gjyqtarëve dhe marrëdhënieve mes tyre, si dhe bashkëpunimi me Këshillin profesional të FBK-së dhe Shoqatën e trajnerëve të basketbollit.
2. Përvetësimi i rregullave të lojës me qëllim të avancimit dhe ngritjes së cilësisë së gjykimit.
3. Kujdesi për gjykim dhe kontrollim të referimeve sipas rregullave të lojës.
4. Organizimi i seminareve dhe trajnimeve të ndryshme profesionale me qëllim të përparimit dhe aftësisë të gjyqtarëve.
5. Përgatitja dhe organizimi i provimeve për të gjitha kategoritë e gjyqtarëve, vëzhguesëve dhe kontrollorëve.
6. Harmonizimi i veprimtarive dhe kontakteve, bashkëpunimi me shoqatat e gjyqtarëve nga shtetet e tjera dhe FIBA-së.
7. Përpilimi i listave të gjyqtarëve për gjykimin e ndeshjeve të organizuara nga FBK.
8. Përpilimi i listës së kontrollorëve sipas kritereve të FIBA.

9. Hartimi dhe aprovimi i Rregullores mbi dhënien e provimeve për gjyqtarë për të gjitha kategoritë, kategorizimi i gjyqtarëve.

10. Emërimi dhe shkarkimi i trupave punuese dhe Komisioneve.

11. Kujdesi për aftësim profesional, shëndet, mirëkuptim reciprok , aprovimi dhe zbatimi i vlerave morale në sport.

12. Përgatitja e punës së Kuvendit të punës-zgjedhor të SHGJFBK-së.

13. Dhe punë të tjera me interes të basketbollit.

Neni 7.

Puna e Bordit të SHGJFBK është publike.

Publikimi i punës së Shoqatës, realizohet me mënyrën e përcaktimit të rregulloreve të mbrëndshme.

- Me raportim të rregullt të anëtarëve lidhur me punën dhe veprimtarinë e Shoqatës.

- Publikimin e vendimeve të marra.

- Publikimit në ueb faqen zyrtare të FBK-së www.basketbolli.com

III. TË DREJTAT, DETYRAT DHE PËRGJEGJËSIT DISCIPLINORE TË GJYQTARËVE, VËZHGUESËVE DHE KONTROLLORËVE

Neni 8.

Të drejtat e gjyqtarëve, vëzhguesëve dhe kontrollorëve janë të përcaktuara me këto rregullore:

- Marrja pjesë në tubime të organizuara nga Shoqata (seminare, trajnime, testime) etj.

- Emërimi në trupat punuese dhe Komisioneve.

- Gjykimi i ndeshjeve.

- Kontrollimi i gjykimit.

- Aftësimi profesional si dhe pjesëmarrja e obligueshme në seminare dhe trajnime, testime teorike dhe fizike.

- Zbatimi i vendimeve të Shoqatës dhe organeve të saja.

- Pagesa e anëtarësisë dhe përqindjes së përcaktuar nga Bordi i Shoqatës.

- Mbrojtja e autoritetit të anëtarëve.

- Ruajtja e pasurisë së Shoqatës.

- Kryerja e obligimeve dhe detyrave të marra nga Bordi i Shoqatës.
- Realizimi i të drejtave dhe detyrave të tjera.

Neni 9.

Kryerja e detyrës së gjyqtarit (gjkimi i ndeshjeve) pushon kur i kalon mosha pesëdhjetë(50) vjeçare, ndërsa për vëzhgues mosha gjashtëdhjetë e pesë (65) vjeçare, konform rregulloreve të departamentit për gjyqtarë të FIBA.

Neni 10.

Gjyqtarët, vëzhguesit dhe kontrollorët përveç detyrave dhe të drejtave kanë edhe përgjegjësi ndaj Shoqatës. Përgjegjësinë ndaj Shoqatës e vlerëson dhe bie vendime Komisioni disiplinor i Shoqatës.

Për përgjegjësin disiplinore të gjyqtarëve dhe kontrollorëve gjatë garave zyrtare të FBK-së, e vlerëson dhe bie vendim Komisioni i Ligës.

Gjyqtari, vëzhguesi dhe kontrollori, ndaj të cilit hapet procedurë disiplinore për sjellje josportive, mosrespektim të kodeksit të mirësjelljes dhe rregullores së ShGjFBK-së, nuk mund të emërohet në organet udhëheqëse të shoqatës, ndërsa nëse është i emëruar paraprakisht do të shkarkohet - nëse është anëtar i Bordit nuk do të llogaritet në vendim marrje dhe do t'i kërkohej dorëheqja e tij zyrtare.

Neni 11.

Komisioni disiplinor vendos në bazë të dispozitave të Rregullores disiplinore të Shoqatës apo të FBK-së, ndërsa Komisioni i Ligës në bazë të Propozicioneve të Garave dhe Rregullores Disiplinore të FBK-së.

Neni 12.

Mbi vendimet e Komisionit disiplinor mund të parashtrihen ankesa. Ankesa i parashtrihet Komisionit Arbitrar të Shoqatës së gjyqtarëve të FBK, vendimi i të cilit është përfundimtar.

Mbi vendimet e Komisionit të Ligës ankesat i parashtrihen Komisionit-Arbitrar të FBK-së, sikurse është parashikuar me Propozicionet e Garave.

Neni 13

Bordi i SHGJFBK-së përbëhet nga shtatë (7) anëtarë të emëruar nga Kuvendi i SHGJFBK-së, e i cili kryen këto detyra:

- Harton programin e aktiviteteve të Shoqatës.
- Zbaton politikën e zhvillimit të anëtarësisë.

- Ndjek realizimin e planit dhe programit të punës, duke u kujdesur për realizimin sa më të suksesshëm të tijë.
- Zgjedhë trupat punuese dhe Komisionet.
- I propozon ndryshimet dhe plotësimet e planit dhe programit të punës.
- Propozon listën e gjyqtarëve dhe të kontrollorëve për çdo Ligë, të cilat i aprovon Bordi i FBK-së.
- Përcakton kriteret mbi rangimin e gjyqtarëve.
- Harton dhe aprovon Rregulloren mbi dhënien e provimit për gjyqtarë dhe bën kategorizimin e gjyqtarëve
- Harton dhe përgatit materialet (aktet normative) për mbajtjen e Kuvendit zgjedhor të SHGJFBK-së.
- Kryen punë dhe detyra të tjera të cilat ia beson Kuvendi i Shoqatës.

Neni 14.

Bordi i SHGJFBK, vendos në seanca për të gjitha çështjet nga fushë-veprimtaria e tij, merrë vendime me shumicë votash të numrit të përgjithshëm të anëtarëve.

Mbledhjen e Bordit të Shoqatës e konvokon dhe udhëheq kryetari.

Kryetari konvokon mbledhjen e Bordit në bazë të vlerësimit të vet .

Neni 15.

Anëtari i Bordit të SHGJFBK, ka këto të drejta dhe obligime

- Të marrë pjesë në mbledhje të Bordit, të debatoj dhe të votojë.
- Të parashtrij propozime dhe çështje lidhur me përmbajtjen e rendit të ditës.
- Të ruaj fshehtësinë e veprimtarisë.

Neni 16

Bordi mund të formojë trupa punuese (këshilla dhe komisione) të përhershme dhe të përkohshme, vendos për kompetenca dhe emëron anëtarët e tyre.

Trupat punuese për punën e tyre i përgjigjen Bordit të SHGJFBK.

Mandati i anëtarëve të trupave punuese zgjat sa edhe mandati i Bordit të SHGJFBK-së. Bordi mund të shkarkojë trupat punuese ose anëtarin e tijë edhe para skadimit të mandatit nëse vepron në kundërshtim me aktet normative të SHGJFBK-së.

Neni 17

Trupat e përhershme të punës të SHGJFBK janë:

- Sekretari i Shoqatës.
- Këshilli profesional.
- Komisioni mbi Rregullat e lojës.
- Komisioni Disciplinor.
- Komisioni Arbitrar i SHGJFBK.

a) **Sekretari i Shoqatës**: emërohet nga Bordi i SHGJFBK me mandat katër(4) vjeçar dhe nuk ka të drejt vote në vendimet e marrura nga Bordi.

Bordi mund të shkarkojë sekretarin edhe para skadimit të mandatit në qoftë se vërtetohet se detyrat e besuara nuk i ka kryer me përgjegjësi ose i ka kryer në kundërshtim obligimet dhe përgjegjësit që i takojnë bazuar me aktet normative dhe rregulloren e Shoqates.

- Përcjell dhe mbikëqyrë punën e komisioneve dhe këshillave të shoqatës.
- Mbanë procesverbalet e mbledhjeve dhe arhiven e vendimeve dhe dokumentacionit të shoqatës.

b) KËSHILLI PROFESIONAL

Këshilli profesional përbëhet prej tre (3) anëtarëve të cilët i emëron Bordi i SHGJFBK-së.

Veprimtaria themelore e Këshillit profesional është avancimi i punës profesionale, ngritja e cilësisë së gjykimit dhe aftësimi i gjyqtarëve të basketbollit:

- Përcjell dhe mbikëqyrë gjykimin e gjyqtarëve dhe punën e vëzhguesëve.
- Harton programet dhe realizimin e tyre në lidhje me seminarët dhe trajnimet e gjyqtarëve dhe vëzhguesëve.
- Bënë analizat e gjykimeve të ndeshjeve dhe jep vlerësime profesionale për çdo gjyqtarë veç e veç.

- Jep vlerësime profesionale në lidhje me ankesat e gjyqtarëve për notim të dobët.
- Harton testet dhe kriteret për dhënien e provimeve për gjyqtar.
- Harton testet teorike për gjyqtarë, vëzhgues dhe kontrollor dhe organizon zbatimin e testeve.
- Harton kriteret mbi notimin e gjyqtarëve.
- Përpilon rang listën e gjyqtarëve, bënë propozimin e listave të gjyqtarëve dhe vëzhguesëve për çdo ligo veç e veç.
- Cakton kriteret e emërimit të kontrollorëve të ndeshjes, numrin e përgjithshëm të tyre të autorizuar, propozon Bordit kandidatët për emërim në cilësinë e kontrollorit të ndeshjes.
- Kryen edhe punë të tjera me të cilat e ngarkon Bordi i SHGJFBK.

c) KOMISIONI MBI RREGULLAT E LOJËS

Komisioni mbi rregullat e lojës përbëhet prej tre (3) anëtarëve të cilët i emëron Bordi i SHGJFBK-së.

Veprimtaria themelore e Komisionit mbi Rregullat e lojës është përgatitja e materialeve mbi ndryshimet e Rregullave të lojës, dhënia e sqarimeve dhe publikimi i tyre.

Neni 18.

Bordi i SHGJFBK-së mund të formojë edhe trupa të përkohshme të tija, sikurse janë: Komisionet mbi dhënien e provimeve për gjyqtarë, vëzhgues dhe kontrollorë. Mandati i këtyre trupave zgjatë vetëm për një aktivitet për të cilin janë emëruar. Numri i anëtarëve të trupave të përkohshme dhe detyrat e tyre përcaktohen me vendim të veçantë nga Bordi i SHGJFBK-së.

d) KOMISIONI DISCIPLINOR I SHGJFBK

Komisioni Disciplinor përbëhet prej tre (3) anëtarëve të cilët i emëron Bordi i SHGJFBK-së.

Veprimtaria themelore e Komisionit Disciplinorë është: Marrja e masave disiplinore kundër çdo anëtari të shoqatës i cili me veprimet e veta është në kundërshtim me rregulloret, kodeksin e mirësjelljes, me veprimet e veta dëmton punën, imazhin dhe vlersimin pozitiv për Shoqatën. Ndaj secilit dhe secili anëtarë i shoqatës mund të iniciohet procedurë disiplinore për veprimet e tija negative.

Komisioni Disciplinor merr vendim ndaj anëtarëve të iniciuar për procedurë, konform rregulloreve disiplinore të shoqatës, propozicioneve të garave, rregullores disiplinore të FBK-së dhe akteve tjera normative gjegjëse.

e) KOMISIONI ARBITRAR I SHGJFBK

Komisioni Arbitrar përbëhet nga tre(3) anëtarë dhe emërohet nga Bordi i SHGJFBK.

Veprimtaria themelore e Komisionit Arbitrar të SHGJFBK është vendimi në lidhje me ankesat në Komisionin Disciplinor të SHGJFBK.Vendimi i KA është përfundimtarë.KA merrë vendim konform rregulloreve disiplinore të shoqatës,propozicioneve të garave,rregullores disiplinore të FBK dhe akteve tjera normative gjegjëse.

IV. PASQYRA DHE AFARIZMI MATERIALO – FINANSIAR

Neni 19.

Pasuritë e SHGJFBK-së përbëhen:

- Mjetet financiare nga sponzorët.
- Pasuria e tundshme.
- Të drejtat dhe obligimet.

Neni 20.

SHGJFBK-së e fiton të drejtën në pasuri të tundshme dhe patundshme.

- Me pagesën e anëtarësisë.
- Me kontribute vullnetar.
- Me përqindje nga taksat e gjykimit, kontrollimit dhe burimeve të tjera.

Neni 21.

SHGJFBK,mbikëqyrë pasuritë e tundshme dhe patundshme dhe atë në tërësi.

Neni 22.

Veprimtarinë materialo – financiare e udhëheq Kryetari i SHGJFBK-së.

Kryetari i SHGJFBK-së, afarizmin materialo – financiar e realizon konform dispozitave të ligjeve dhe Rregulloreve tjera përkatëse të kësaj lamije të cilat aplikohen në Kosovë.

Urdhërdhënës për realizimin e këtij afarizmi është Kryetari i SHGJFBK.

Pasuria e patundshme nuk mund të tjetërsohet pa vendimin e Bordit të SHGJFBK-së.

V. DISPOZITAT KALIMTARE DHE PËRFUNDIMTARE

Neni 23

Dispozitat e kësaj Rregulloreje i interpreton Bordi i SHGJFBK-së.

Bordi i SHGJFBK, nëse nuk i përmbahet neneve dhe rregullores në fuqi, atëherë konform nenit 35 të statutit të FBK-së, do të ndërmerren masa me qëllim të zgjidhjes së çështjeve të cilat pamundësojnë punën normale dhe të suksesshme të gjyqtarëve.

Neni 24.

Ndryshimet dhe plotësimet e kësaj Rregulloreje bëhen në mënyrën e parashikuar për nxjerrjen e saj.

Neni 25.

Me aprovimin e kësaj Rregullore pushojnë të vlejnë të gjitha aktet normative të mëhershme të miratuara nga Shoqata e gjyqtarëve të FBK-së.

Neni 26.

Kjo Rregullore hyn në fuqi në ditën e aprovimit nga ana e Bordit i SHGJFBK-së.

Bordi i SHGJFBK-së

K r y e t a r i

Alban Vula